



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-339-4/21**
Datum: **18.08.2021.**

«Agencija za vodno područje rijeke Save» Sarajevo rješavajući po zahtjevu pravnog lica «KOVAN GROUP» d.o.o. Gračanica PJ Olovo za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije kompleksa za proizvodnju peleta i preradu drveta u naselju Olovske Luke, općina Olovo, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «KOVAN GROUP» d.o.o. Gračanica PJ Olovo daje se vodna dozvola za ispuštanje tehnoloških otpadnih voda u prirodni recipijent sa lokacije kompleksa za proizvodnju peleta i preradu drveta u naselju Olovske Luke, izgrađenog na zemljištu označenom kao k.č. broj 773/1 K.O. Olovske Luke, općina Olovo.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode koje nastaju u postupku obaranja drvene prašine nesmetano sakupljaju i odvođe do objekta predviđenog za tretman onečišćenih voda (neutralizator), a zatim ovako tretirane vode ispuštaju oborinsku kanalizaciju kompleksa, koja se nakon tretmana u separatoru masti i ulja ispušta u rijeku Stupčanicu.
 - 2.3. Prečišćene tehnološke otpadne vode moraju ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje tehnoloških otpadnih voda (neutralizator, separator masti i ulja, slivni kanali sa rešetkom, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora masti i ulja.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.6. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemoguću njihovo rasipanje po okolnom terenu.

- 2.7. Talog iz separatora, piljevina i drveni otpad, kao i ostali opasni i neopasni otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 25. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «KOVAN GROUP» d.o.o. Gračanica PJ Olovo, dana 29.07.2021., podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokacije kompleksa za proizvodnju peleta i preradu drveta u naselju Olovске Luke, izgrađenog na zemljištu označenom kao k.č. broj 773/1 K.O. Olovске Luke, općina Olovo.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-20-001029 od 27.07.2020., izdatog od Općinskog suda u Tuzli,
- Ovjerena kopija Uvjerenja o registraciji poreznog obveznika od 04.08.2020., izdatog od Porezne uprave Federacije BiH – Kantonalni porezni ured Tuzla,
- Dokaz o uplaćenju upravnoj taksi,
- Kopija Ugovora o zakupu zaključenog dana 01.09.2020. sa «KOVAN M.I.» d.o.o. Gračanica,
- Kopija Zemljišnoknjižnog izvatka broj: 041-0-NAR-21-003 435, ZKU broj: 1182, od 02.03.2021. izdatog od Zemljišnoknjižnog ureda Općinskog suda Visoko,
- Kopija Rješenja o okolišnoj dozvoli broj: UPI 05/2-23-11-58/16 MK od 15.09.2016. izdatog od Federalnog ministarstva okoliša i turizma,
- Kopija Rješenja o vodnoj dozvoli broj: 05-25-01150-4/17 od 28.07.2017. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Zaključka o ispravci greške u Rješenju broj: 05-25-01150-5/17 od 16.08.2017. izdatog od Ministarstva za poljoprivredu, šumarstvo i vodoprivredu Zeničko-dobojskog kantona,

- Kopija Rješenja o vodnoj dozvoli broj: UP-I/25-3-40-382-8/15 od 18.11.2015. izdatog od «Agencije za vodno područje rijeke Save» Sarajevo,
- Kopija Izvještaja o monitoringu kvaliteta i kvantiteta otpadnih voda pogona prerade drveta «KOVAN M.I.» PJ Olovo, broj: 999/20, juli 2020, urađen od «Inspekt-RGH» d.o.o. Sarajevo,
- Glavni projekat – izvedeno stanje vanjskih hidroinstalacija sa dopunom, snabdijevanje vodom, prikupljanje oborinskih voda sa platoa i krova objekta i fekalnih voda broj: 45-IB-G/16, juni 2016., urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-I/25-3-40-339-3/21 od 04.08.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks za proizvodnju peleta i preradu drveta je izgrađen u naselju Olovske Luke, općina Olovo. Na lokaciji se nalaze: otvoreno skladište oblovine i sirovine u vidu sječke, vanjske manipulativne površine, proizvodne hale, nadstrešnica sa brentom, depo otpadnih materijala, kancelarijski prostor, skladište gotovih proizvoda, septička jama, separator masti i ulja.
- Kapacitet proizvodnje je do 120 m³ oblovine/dan. Finalni proizvodi su pelet i drvena oplata.
- Sirovina za proizvodnju peleta je oblovina i sječka koja se nabavlja od trećih lica.
- Trupci se prije prerade otkoravaju na otkorivaču, odnosno trupci se ne peru.
- Tehnološke otpadne vode nastaju u postupku sušenja piljevine u objektu „mokra soba“, a nastaju obaranjem prašine putem mlaznica. Ove otpadne vode se odvođe na tretman u neutralizator, te potom u oborinsku kanalizaciju kompleksa.
- Oborinske vode se prikupljaju sistemom betonskih kanala sa rešetkom i odvođe na tretman u /separator masti i ulja, te preko okna za monitoring ispuštaju u rijeku Stupčanicu.
- Na lokaciji je postojala interna benzinska pumpa i koja nije u funkciji. Stanica za tehnički pregled vozila, koja se nalazi u krugu predmetnog kompleksa, je u vlasništvu drugog pravnog lica i ista nije obuhvaćena ovom dozvolom.
- Za predmetni kompleks je od strane Kantonalnog ministarstva za poljoprivredu, šumarstvo i vodoprivredu ishodovana vodna dozvola za zahvatanje vode i ispuštanje sanitarno-fekalnih otpadnih voda.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda pogona prerade drveta «KOVAN M.I.» PJ Olovo, urađen od «Inspekt-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima i načinu izdavanja i čuvanja vodnih akata i odredbama člana 3. tačka cc) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva «KOVAN GROUP» d.o.o. Gračanica PJ Olovo, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-I/25-3-40-339-2/21 od 02.08.2021.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- «KOVAN GROUP» d.o.o.
Grabovac bb, 75320 Gračanica
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava